

縣志卷二十一

邊防志

元至元四年契丹人石抹案只從都元帥按敦攻瀘州按只以戰艦七十艘至馬湖江宋軍先以五百艘控扼江渡按只擊敗之時宋兵於沿江撤橋據守按只相地形造浮橋軍至無畱行宋欲撓其後兵出戰敗自馬湖以達合江涪江清江凡立浮橋二十餘所及四川平浮橋之功居多見元史

至元初攻下瀘叙諸州未幾宋兵復瀘州元將旦

合江縣志

卷之三十一

邊防

四

只兒從征諸軍將攻瀘且只兒先將其眾據紅米灣與宋兵戰敗之進至安樂山復敗宋軍斬首五百餘級獲戰艦四宋兵邀漕舟於安樂山擊走之遂破其石盤寨十四年春抵瀘州奪其戰艦五艘還至安樂山復與宋兵戰殺數十人從諸軍拔瀘

州見元史安樂山在合江城西

一至元十四年昭勇大將軍上萬戶也罕的斤從憲

宗圍瀘州攻神臂門先登拔之

上三則俱見元史舊志不載

明成化元年以戎縣

即今興文縣

都掌夷頻歲入寇詔巡

撫汪浩都督芮成討之侍讀周洪謨請照九姓司
設長官部議以其事付浩等時成軍駐叙州浩以
事留成都成遣官諭諸砦以設官意諸夷大悅赴
轅待命成遣人報浩會疏入且議鑄印浩忽至自
成都用戎縣民讒說掩殺七百二十餘人成猶豫
數日復與浩合奏誣以異志諸砦餘黨聚議報讐
遂赴貴州總兵官詐降都指揮丁實等出迎夷伏
兵四起官軍五千餘衆皆沒浩等聞之夜奔官軍
迷道人馬墮落溪谷死者無算時夷憾旣深聲言

合江縣志

卷之三十一

邊防

四一

欲嚮浩等肉鋒不可當貴州兵屯金鵞池四川兵
屯戎縣堅壁不敢出夷人循江而南直抵江安納
谿合江如履無人之境諸縣官兵皆露次江北浩
往來上下不敢南洎夷人屠江安賈家砦殺五百
五十餘口縣官走白浩浩方報捷捶之幾死乃遣
人錯各縣欲訴夷情者一夕夷人驅擄合江等縣
婦女一百七十八水牛三百次長甯石筭山下都
指揮宰用等率軍逐之夷遁走乃返所擄人畜已
而長甯縣具夷情以聞朝命遣人招撫諸夷遂聽

命赴京師貢馬十二銅鼓一仍伸前請而畏浩等勢終不敢言父兄寃浩等欲實前奏亦堅不與設官於是夷人益肆抄掠

上俱見通志

成化三年廷議發

大軍討之以襄城伯李瑾充總兵官劉恒爲監督進兵部侍郎程信爲尙書提督軍務至永甯分道進都督芮成由戎縣巡按貴州都御史陳宜參將吳經由芒部都指揮崔旻由普市冰腦南甯伯毛榮由李子關巡撫四川都御史汪浩參將宰用由渡船舖左右遊擊將軍羅秉忠穆義由金鷺池而

合江縣志

卷之三十一

邊防

四

信與瑾居中節制轉戰六日破龍背豹尾諸寨七百五十餘明年至大壩焚寨一千四百五十前後斬首四千五百有奇俘獲無算按誅九姓不奉化者遷瀘州衛於渡船舖增置關堡改大壩爲太平川長官司分山都掌地設官建治控制之六年之

間賴以甯謐

見明史

天啟元年永甯宣撫司奢崇明及其子寅反據重慶殺官吏攻陷瀘州合江納谿列城皆不守分道趨成都圍百二日巡撫朱燮元擊破之崇明父子

走瀘州官軍乘勝復州縣衛所四十餘瀘州亦旋
復上俱見明史
舊志下載

合江縣志

卷之三十一

邊防

四